



Adresa: **Ul. H. Čemerlića 39**
71000 Sarajevo
<http://www.voda.ba>

tel. +387 33 726 415
fax. +387 33 726 414
e – mail: info@voda.ba

Broj: UP-1/21-3-40-222-5/23
Datum: **24.07.2023.**

«Agencija za vodno područje rijeke Save» Sarajevo rješavajući po zahtjevu Investitora „TIOIL“ d.o.o. Stara Bila, poslovna jedinica Dolac, općina Travnik za donošenje rješenja o vodnoj dozvoli za ispuštanje oborinskih, onečišćenih voda u javni, kanalizacioni sustav sa lokacije objekta benzinske crpke koja se nalazi u naselju Dolac, općina Travnik, na osnovu člana 109. stav 1. Zakona o vodama («Službene novine Federacije BiH, broj 70/06») i člana 200. Zakona o upravnom postupku («Službene novine Federacije BiH», broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola Investitoru „TIOIL“ d.o.o. Stara Bila, poslovna jedinica Dolac, općina Travnik, za ispuštanje oborinskih, onečišćenih voda u javni, kanalizacioni sustav sa lokacije objekta benzinske crpke koja se nalazi na zemljištu označenom kao 3155/6, K.O. Travnik, općina Travnik.
2. Ova vodna dozvola se odnosi isključivo na ispuštanje oborinskih, onečišćenih voda u javni, kanalizacioni sustav sa lokacije objekta benzinske crpke, definirane točkom 1. Rješenja i ne oslobađa podnosioca zahtjeva obaveze pribavljanja vodne dozvole za korištenje vode i ispuštanje otpadnih voda, a za čije izdavanje je nadležno Ministarstvo poljoprivrede, šumarstva i vodoprivrede Kantona Središnja Bosna, u skladu sa članom 139. stav 2. Zakona o vodama («Službene novine Federacije BiH» broj 70/06).
3. Vodna dozvola se daje na osnovu pregleda dostavljene dokumentacije, izvršenog uviđaja, utvrđenog činjeničnog stanja i uz slijedeće uvjete:
 - 3.1. Da se upotreba i korištenje predmetnog objekta vrši u skladu sa njegovom prirodom i namjenom.
 - 3.2. Da korisnik predmetnog objekta, za vrijeme trajanja ove dozvole ugradi dvoplašne čelične spremnike prema važećim standardima ili za postojeće ugradi vodonepropusni bazen (tankvanu) zapremine jednako zapremini postojećih spremnika 200 m³ (2x100). Ukoliko ovaj zahtjev se ne ispuni u danom roku neće se moći ishoditi nova Vodna dozvola.
 - 3.3. Da korisnik predmetnog objekta, za vrijeme trajanja ove dozvole izraditi i revidira Investiciono tehničku dokumentaciju koja se odnosi na ispuštanje i tretman otpadnih voda iz objekta kao i manipulativnih površina označeni točkom 1. ovog Rješenja. Investiciono-tehnička dokumentacija treba biti izrađena od strane pravne osobe koja ispunjava propisane uvjete i kriterije (sukladno članku 4. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH” broj 31/15, 55/19, 41/20 i 63/22) i Uredbe o uvjetima ispuštanja otpadnih voda u okoliš i sustave javne kanalizacije („Službene novine Federacije BiH” broj 26/20 i 96/20).
 - 3.4. Da korisnik predmetnog objekta, za vrijeme trajanja ove dozvole, osigura da se onečišćene vode sa prometnih, radnih i manipulativnih površina, nesmetano sakupljaju i odvođe do objekta predviđenog za tretman tehnoloških otpadnih voda (separator ulja i masti), a zatim ovako tretirane vode, preko okna za monitoring, ispuštaju u javni, kanalizacioni sustav.

- 3.5. Objekte čija je svrha odvođenje i prečišćavanje onečišćenih voda (separator ulja i masti, slivnici i rešetke, kanalizaciona mreža) treba redovno održavati i koristiti na način koji će osigurati njihovu potpunu ispravnost i funkcionalnost.
- 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka effluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.7. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru.
Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti i izdvojenim naftnim derivatima.
- 3.8. Osigurati priručna sredstva za brzu intervenciju u slučaju nekontroliranog istjecanja nafte i naftnih derivata, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
- 3.9. Prečišćene oborinske vode moraju ostati u maksimalno dopuštenim granicama definiranim članom 14. Uredbe o uvjetima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
- 3.10. Talog iz separatora se ne smije ni privremeno odlagati na česticu „vodno dobro“, odnosno u vodotoke i na njegove obale.
- 3.11. Vršiti redovnu kontrolu ispravnosti odnosno vodonepropusnosti spremnika za skladištenje naftnih derivata, njihovo čišćenje, kao i kontrolu rada.
- 3.12. Za izgrađene objekte ishoditi upotrebnu dozvolu od nadležne institucije.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cijelosti i u propisanim rokovima obavezu plaćanja vodnih naknada.
5. U periodu važenja ove dozvole, investitor odnosno korisnik „TIOIL“ d.o.o. Stara Bila, poslovna jedinica Dolac, općina Travnik je dužan provoditi sve mjere i aktivnosti propisane istom.
6. Ukoliko radom predmetnog poslovnog objekta dođe do promjene režima voda, a te promjene uzrokuju šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetne benzinske pumpe obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta odnosno zaključka.

9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, shodno članu 117. stav 1. Zakona o vodama («Službene novine Federacije BiH» broj 70/06) se daje sa rokom važenja od 1 (jedne) godine od dana izdavanja ovog rješenja.
11. Prije isteka važnosti ove dozvole Investitor „TIOIL“ d.o.o. Stara Bila, poslovna jedinica Dolac, dužan je da zatraži izdavanje nove vodne dozvole.

O b r a z l o ž e n j e

Investitor „TIOIL“ d.o.o. Stara Bila, poslovna jedinica Dolac, općina Travnik, podnio je zahtjev za izdavanje vodne dozvole za ispuštanje oborinskih, onečišćenih voda u javni, kanalizacioni sustav sa lokacije objekta benzinske crpke koja se nalazi u naselju Dolac, općina Travnik, na zemljištu označenom kao 3155/6, K.O. Travnik, općina Travnik.

U provedenom postupku uz zahtjev za donošenje rješenja o vodnoj dozvoli, dostavljena je slijedeća dokumentacija:

- Kopija Rješenja o aktualnom izvodu iz sudskog registra broj: 051-0-RegZ-22-001660 od 18.11.2022. izdano od općinskog suda u Travniku.
- Kopija Uvjerenja o poreznoj registraciji od 04.08.2015.godine, izdanog od strane Porezne uprave – Kantonalni ured Novi Travnik,
- Rješenje o Vodnoj dozvoli br. UP1-06-21-125-46/2023 od 23.06.2023.god., izdano od Ministarstva poljoprivrede, vodoprivrede i šumarstva Kantona Središnja Bosna.
- Kopija uplatnice administrativne takse,
- Kopija uplatnice po Zaključku o posebnim troškovima
- Ugovor sa poduzećem „TDIZEL“ d.o.o. Novi Travnik o zajedničkom korištenju separatora ulja i masti, od 05.08.2016.god.,
- Izvještaj o monitoringu kvaliteta i kvantiteta otpadnih voda benzinske pumpe izrađen od „Inspekt RGH“ d.o.o. Sarajevo br. 363/23 iz 3/23..

Nakon pregleda dostavljene dokumentacije, u skladu sa članom 12. stav 5. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19, 41/20 i 63/22), izvršen je obilazak poslovnog objekta i tom prilikom je sačinjen zapisnik o uviđaju broj: UP-1/21-3-40-222-4/23 od 20.07.2023. na kome je konstatirano sljedeće:

Objekat benzinske pumpe sa pratećim sadržajima je izgrađen u naselju Dolac, općina Travnik, na zemljištu označenom kao 3155/6, K.O. Travnik, općina Travnik.

Objekt benzinske crpke se sastoji od prodajnog objekta, uredskog prostora, kafe bara, nadstrešnice sa automatima za istakanje goriva, podzemnih, jednoplašnih spremnika za skladištenje goriva, separatora masti i ulja i manipulativnih površina.

Zauljene oborinske vode sa radnih, prometnih i manipulativnih površina se sistemom uličnih slivnika i kanalizacionih cijevi prikupljaju i odvođe do tipskog separatora ulja i masti za prečišćavanje voda sa manipulativnih površina benzinske crpke. Preliv iz separatora je, preko kontrolnog šahta, u javni, kanalizacioni sustav.

Radne, prometne i manipulativne površine su završno obrađene asfaltom odnosno betonom, sa padovima prema slivnicima.

Fekalne vode se upuštaju u kanalizacioni sustav.

Vodoopskrba je sa gradske vodovodne mreže.

Smještaj goriva se vrši u ukopanim čeličnim jednoplašnim spremnicima ukupnog kapaciteta 200 m³ (2x100), koje je po uvjetu u točki 2.2, prethodno izdane Vodne dozvole br. UP-1/25-3-40-579-4/19 od 26.12.2019., bilo potrebno zamijeniti dvoplašnim, atestiranim spremnicima.

Zbog ovog uvjeta dozvola se daje na godinu dana jer je Investitor poduzeo određene aktivnosti na zamjeni istih.

Ispitivanje kvaliteta i kvantiteta ispuštenih voda se mjeri u kontrolnom šahtu od strane „Inspekt RGH“ d.o.o. Sarajevo i Izvještaj br. 363/23 iz 3/23., zadovoljava se uvjete propisane Uredbom o uvjetima ispuštanja otpadnih voda u okoliš i sustav javne kanalizacije («Službene novine Federacije BiH», broj 26/20 i 96/20).

Za izgrađeni objekt Vlasnik nema adekvatnu projektnu dokumentaciju shodno uvjetu 3.3. ovog rješenja.

Objekt se ne nalazi u vodnom dobru.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka, dostavljene dokumentacije i uviđaja izvršenog na predmetnoj lokaciji, a u svrhu smanjenja negativnih uticaja predmetnog objekta na stanje voda i vodni režim, podnosiocu zahtjeva su ovom vodnom dozvolom u točki 3. dispozitiva Rješenja propisani uvjeti sukladno odredbama članaka 53. i 116. Zakona o vodama, članka 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) Uredbe o uslovima ispuštanja otpadnih voda u okoliš i sisteme javne kanalizacije, konstatira se da je podnosilac zahtjeva «TIOIL» d.o.o. Stara Bila, poslovna jedinica Dolac, općina Travnik, ispunio minimum uslova za izdavanje vodne dozvole za ispuštanje oborinskih onečišćenih voda u prirodni recipijent, te je riješeno kao u dispozitivu ovog Rješenja.

Podnosiocu zahtjeva je, na ime izdavanja ovog vodnog akta, izvršio uplatu pristojbe iz tar. Br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradio:

Marko Barić, dipl.ing.grad.

Po ovlaštenju

Rukovodilac Sektora za izdavanje vodnih akata



Hans Ališehović, dipl. ing.grad.

Dostaviti:

- „TIOIL“ d.o.o. Stara Bila, Stara Bila bb, Travnik
- AVP, ISV – Vodna knjiga
- Sektor 50.
- Sektor 40, arhiva
- Oglasna ploča-AVP Sava